

Paulo Nhoma A  
 Ɔkyerɛw Kɔmaa  
 Efesofo

*Nkyia*

<sup>1</sup> Saa krataa yi fi me Paulo a Onyankopɔn fi ne pɛ mu ayɛ me Kristo Yesu somafo no nkyɛn,

Merekyerɛw akɔma ahotefo a wɔte Efeso, Kristo Yesu mu agyidifo:

<sup>2</sup> Adom ne asomdwoe a efi yɛn Agya Onyankopɔn ne Awurade Yesu Kristo no nka mo.

*Honhom Nhyira Wɔ* Kristo Mu

<sup>3</sup> Momma yɛnna Onyankopɔn a ɔyɛ yɛn Awurade Yesu Kristo Agya no ase, efisɛ ɔnam Kristo so de honhom mu nhyira a efi ɔsoro abre yɛn. <sup>4</sup> Ansa na Onyankopɔn bebɔ wiase no, ɔɔɔɔ yɛn na oyii yɛn wɔ Kristo mu sɛ yɛbɛyɛ kronkron a mfomso biara nni yɛn ho wɔ n'ani so. Ofi ɔɔɔ mu <sup>5</sup> hyɛ too hɔ se, ne pɛ mu no, ɔnam Yesu Kristo so de yɛn bɛyɛ ne mma, <sup>6</sup> de akamfo n'adom a ɛdɔɔso a ɔde akye yɛn kwa wɔ ne Dɔba no mu no. <sup>7</sup> Ne mu na yenya ogye a efi ne mogya mu. Ne mu na yenya bɔnefakye nso, sɛnea Onyankopɔn adom mmoroso a <sup>8</sup> ɔde nyansa ne ntease nyinaa hwie guu yɛn so no te. <sup>9</sup> Onyankopɔn nam nea Kristo yɛe no so ada n'anwonwakwan no adi akyerɛ yɛn sɛ <sup>10</sup> bere a wahyɛ no, ɔbɛboaboa abɔde nyinaa ano, nea ɛwɔ ɔsoro ne nea ɛwɔ asase so ahyɛ ɔbaako a ɔne Kristo no ase.

<sup>11</sup> Onyankopɔn yɛ nea ɔpɛ bere biara. Eno nti na ɔnam Kristo so paw yɛn fii wiase mfiase, <sup>12</sup> sɛnea ebɛyɛ a yɛn a yedii kan nyaa anidaso wɔ Kristo mu no bɛyɛ nkamfo ahyɛ no anuonyam. <sup>13</sup> Saa ara na ɛte wɔ mo ho nso. Bere a motee nokwasɛm a ɛyɛ asɛmpa a ɛmaa mo nkwagyɛ no, mugyee Kristo dii. Wɔde bɔhyɛ Honhom Kronkron no hyɛɛ mo nsow wɔ ne mu. <sup>14</sup> Honhom no ma yɛn awarehyɛmu sɛ wɔde nea Onyankopɔn de asie ama ne nkurɔfo no bɛma yɛn. Afei yɛbɛde yɛn ho na wɔbɛkamfo Onyankopɔn ahyɛ no anuonyam.

### *Aseda Ne Mpaebɔ*

<sup>15</sup> Esiane eyi nti, efi bere a metee gyidi a mowɔ wɔ Awurade Yesu mu ne ɔɔɔ a modɔ Onyankopɔn nkurɔfo no, <sup>16</sup> minnyaee aseda a mede ma Onyankopɔn wɔ mo ho no da. Mekae mo wɔ me mpaebɔ mu, <sup>17</sup> na mibisa yɛn Awurade Yesu Kristo Nyankopɔn, anuonyam Agya no se ɔmma mo Honhom Kronkron no a ɔbɛma mo nyansa na wada Onyankopɔn adi akyere mo, sɛnea ebɛyɛ a mubehu no. <sup>18</sup> Mesrɛ sɛ mo adwene mu mmue na munhu ne hann no, sɛnea ebɛyɛ a mubenya anidaso a eno nti ɔfrɛɛ mo no, ne ahonya a ɛwɔ agyapade kronkron a ɛwɔ hɔ ma ahotefo no, <sup>19</sup> ne ne tumi a ɛso na biribiara ne no nsɛ ma yɛn a yegyɛ di no. ɛyɛ saa tumi nwonwaso no ara na ɔdaa no adi <sup>20</sup> bere a onyan Kristo fii awufo mu na ɔde no tenaa ne nifa so wɔ ɔsoro ahemman no mu no. <sup>21</sup> Saa tumi yi korɔn sen mpanyinni ne tumidi, ahɔɔden ne kɛseyɛ, ne dibea biara a wotumi de ma saa bere yi ne bere a ɛbɛba no mu. <sup>22</sup> Onyankopɔn de biribiara hyɛɛ Kristo nan ase, na ɔde no ayɛ nneɛma nyinaa ti ama asafo no, <sup>23</sup> a ene ne nipadua. ɔno ne nea ɔhyɛ ade nyinaa ma wɔ akwan nyinaa mu.

## 2

*Yenya Nkwa Wɔ Kristo Mu*

<sup>1</sup> Mo de, na moawuwu wɔ mo amumɔyɛ ne mo bɔne a <sup>2</sup> na anka mote mu, bere a na mudi wiase ne wim sodifo ahenni akyi no ne honhom a mprenpren ɛreyɛ adwuma wɔ wɔn a wɔyɛ asoɔden mu no mu. <sup>3</sup> Bere bi, yɛn nyinaa ne wɔn tena dii ɔhonam akɔnnɔ akyi yɛɛ ɔhonam apɛde ne ne nsuwii. Yɛn nso, na ɛsɛ sɛ Onyankopɔn abufuw ba yɛn so. <sup>4</sup> Nanso esiane n'adɔeyɛ a ɛdɔɔso ma yɛn nti, Onyankopɔn a n'ahummɔbɔ dɔɔso no <sup>5</sup> maa yɛn nkwa wɔ Kristo mu, wɔ bere a anka yɛawuwu wɔ amumɔyɛ mu mpo; adom nti na wɔagyɛ mo nkwa. <sup>6</sup> Onyankopɔn nyan yɛn ne Kristo, na ɔde yɛn ne Kristo atena ɔsoro ahemman mu <sup>7</sup> sɛnea ɛbɛyɛ a nna a ɛreba no mu no, ɔbɛda n'adom ahonya a ɛso nni no adi; n'adɔe a ɔnam Kristo Yesu so yɛɛ yɛn no. <sup>8</sup> Ɛyɛ adom no nti na wɔnam gyidi so agyɛ mo nkwa. Emfi mo ankasa, ɛyɛ Onyankopɔn akyɛde. <sup>9</sup> Emfi nnwuma mu, na obi de ahoahoa ne ho. <sup>10</sup> Onyankopɔn na wayɛ yɛn sɛnea yɛte yi. Ɔnam Kristo so bɔɔ yɛn sɛ yɛmmɛyɛ nnwuma pa a wasiesie ato hɔ no.

*Kristo Mu Biakoyɛ*

<sup>11</sup> Afei monkae sɛ mo a na anka kan no wɔwoo mo sɛ amanamanmufo, na wɔn a wɔfrɛ wɔn ho twetiatwafo no (nea wɔde nsa ayɛ wɔ honam mu) frɛ mo momonotofo, <sup>12</sup> monkae sɛ saa bere no na moatew mo ho afi Kristo ho, na wɔnkan mo mfra Israelfo, na moyɛ ahɔho a monka bɔhyɛ apam no ho, na munni anidaso na munni Onyankopɔn nso wɔ wiase. <sup>13</sup> Nanso afei mo a na anka mowɔ akyirikyiri no, wɔnam Kristo mogya no so atwe mo abɛn Onyankopɔn.

<sup>14</sup> Ɛfisɛ Kristo no ankasa nam baako a wama Yudafo ne amanamanmufo ayɛ no so de asomdwoe aba. Ɔnam

Ɔno ankasa ne honam so bubuu fasu a na etwa wɔn ntam ma wɔyɛ atamfo no. <sup>15</sup> Ɔnam ne nipadua so asɛɛ Mose mmara ne n'ahyɛde tumi no. Ne botae ne sɛ ɔbɛma Yudafo ne amanamanmufo ayɛ baako na ɔde asomdwoe aba; <sup>16</sup> Ɔnam asennua a ɔde sɛɛɛ nitan a ɛwɔ wɔn ntam no so aka wɔn abɔ mu ayɛ wɔn nipadua baako na wapata wɔne Onyankopɔn ntam. <sup>17</sup> Enti Kristo ba bɛkaa Aɛmpa a ɛyɛ asomdwoesɛm no kyerɛɛ wɔn a wɔwɔ akyirikyiri ne wɔn a wɔbɛn nyinaa. <sup>18</sup> Ɔno nti yɛwɔ Honhom baako a yɛnam no so kɔ Agya no nkyɛn.

<sup>19</sup> Enti mprenpren, monnyɛ ahɔho ne amamfrafo bio, na mmom mo ne Onyankopɔn nkurɔfo no yɛ nnipa koro na mofra Onyankopɔn abusua no mu, <sup>20</sup> na wɔato mo asi asomafo no ne adiyifo no fapem a Kristo Yesu no ankasa yɛ ne tweitibo no so. <sup>21</sup> Ɔno na ɔma ɔdan mu no nyinaa yɛ baako na ɛbɛyɛ asɔredan kronkron wɔ Awurade mu. <sup>22</sup> Ne mu na wɔresiesie mo na moabɔ mu abɛyɛ ofi a Onyankopɔn nam ne Honhom so tena mu.

### 3

#### *Paulo, Amanamanmufo Ɖsɛmpakafo*

<sup>1</sup> Me Paulo, mo amanamanmufo nti Kristo Yesu de me yɛɛ odeduani.

<sup>2</sup> Nokware mu, moate Onyankopɔn adom a ɔnam me so de ma mo no ho asɛm, <sup>3</sup> a ɛno ne ahintasɛm a wɔnam adiyi so de ama sɛnea makyerɛw no tiaa dedaw no. <sup>4</sup> Na sɛ mokenkan eyi a na mobɛte nhumu a mewɔ wɔ Kristo ahintasɛm ho no ase, <sup>5</sup> nea wɔanyi ankyerɛ awo ntoatoaso bi mu nnipa sɛnea nnɛ yi Honhom no ada no adi akyerɛ Onyankopɔn asomafo ne adiyifo akronkron no. <sup>6</sup> Saa ahintasɛm yi kyerɛ sɛ amanamanmufo ne Israelfo bɔ mu yɛ adedifo. Wɔbɔ mu yɛ nipadua baako, na wɔwɔ kyɛfa wɔ Kristo Yesu mu bɔhyɛ no mu.

<sup>7</sup> Onyankopɔn dom akyɛde a ɔnam ne tumi so yɛ adwuma wɔ yɛn mu nti, meyeɛ asɛmpa no ho somfo. <sup>8</sup> Ɛwɔ mu sɛ me ne aketewa pa ara wɔ Onyankopɔn nkurɔfo nyinaa mu, nanso Onyankopɔn yɛɛ me adom sɛ menkɔka Asɛmpa a ɛfa Kristo ahonya a emu nni hwɛhwɛbea no nkyerɛ amanamanmufo, <sup>9</sup> na memma nnipa nyinaa nhu saa ahintasɛm yi dwumadi a wɔde asie wɔ Onyankopɔn a ɔbɔɔ ade nyinaa mu wɔ mfe bebreɛ a atwa mu no mu no. <sup>10</sup> N'atirimpɔw ne sɛ afei ɔnam asɔre no so bɛda ne nyansa a emu dɔ no adi akyerɛ wim mpanyinni ne atumfo, <sup>11</sup> sɛnea ɔnam yɛn Awurade Kristo Yesu so wiee ne botae a ɛwɔ hɔ daa no. <sup>12</sup> Afei Kristo ma yɛn akokoduru ne ahotoso a ɛma yɛnya gyidi ba Onyankopɔn anim. <sup>13</sup> Mesrɛ mo, mommma mo aba mu mmu wɔ amane a mihi ma mo no ho. Ɛyɛ mo anuonyamhyɛ.

### Wɔbɔ Mpae Ma Efesofo

<sup>14</sup> Eyi nti mibu nkotodwe wɔ Agya no anim, <sup>15</sup> ɔno na ne din da n'abusua a ɛwɔ ɔsoro ne asase nyinaa so no so. <sup>16</sup> Mebɔ mpae sɛ omfi n'anuonyam ahonya no mu mfa ne Honhom a ɛte mo mu no so nhyɛ mo den, <sup>17</sup> sɛnea ɛbɛyɛ a Kristo bɛfa mo gyidi so abɛtena mo koma mu. Sɛ moagye ntin na moatim wɔ ɔdɔ mu no, mebɔ mpae sɛ <sup>18</sup> mo ne ahotɛfo nyinaa benya tumi, na moate Kristo dɔ no trɛw, ne tenten, ne korɔn ne emu dɔ no ase, <sup>19</sup> na moahu saa ɔdɔ a ɛtra adwene nyinaa so no, na Onyankopɔn ahyɛ mo ma.

<sup>20</sup> Anuonyam nka Onyankopɔn a ne tumi yɛ adwuma wɔ yɛn mu. ɔnam saa tumi yi so yɛ nea yebisa anaa nea yesuw ma ɛboro so. <sup>21</sup> Anuonyam nka Onyankopɔn wɔ asafo no ne Kristo Yesu mu mfi nnɛ nkosi daa daa. Amen.

## 4

*Biakoye Wɔ Kristo Mu*

<sup>1</sup> Me a meye odeduani ma Awurade no hye mo se montena ase mma emfata ofre a wɔafre mo no. <sup>2</sup> Mommre mo ho ase koraa na munnwo; montɔ mo bo ase, na mo ne obiara ntena wɔ ɔɔ mu. <sup>3</sup> Mommɔ mmɔden se monam asomdwoe hama so bema Honhom biakoye no atena mo mu. <sup>4</sup> Nipadua baako ne Honhom baako na ewɔ ho, senea wɔfre mo kɔɔ anidaso baako, <sup>5</sup> Awurade baako, gyidi baako ne asubɔ baako mu no. <sup>6</sup> Yewɔ Onyankopɔn a ɔye yen nyinaa Agya a odi yen nyinaa so. ɔnam yen nyinaa mu, na ɔte yen nyinaa mu nso.

<sup>7</sup> Yen mu biara wɔ adom bi senea Kristo akye ama yen.

<sup>8</sup> Eyi nti na Kyerewsem no ka se,

“Bere a ɔforo kɔɔ ɔsoro no,  
ɔfaa nneduafo kaa ne ho;  
na ɔmaa nnipa akyede.”

<sup>9</sup> Afei se “ɔkɔɔ ɔsoro” no nkyerese ne den? Ase kyere se, nea edi kan no, ɔkɔɔ fam wɔ asase ase pɛɛ. <sup>10</sup> Enti nea ɔkɔɔ fam no ara na ɔkɔɔ ɔsoro a eboro wim nyinaa so, senea ɔbehye abɔde nyinaa ma. <sup>11</sup> ɔno na ɔmaa ebinom yee asomafo, afoforo yee adiyifo, afoforo yee asem pakafa, na afoforo nso yee asɔfo ne akyerɛkyerɛfo. <sup>12</sup> ɔyee eyi de siesiee Onyankopɔn nkurɔfo nyinaa maa ɔsom nnwuma, senea Kristo nipadua no nyin bekɔ so <sup>13</sup> kosi se yen nyinaa benya gyidi baako ne Onyankopɔn Ba no ho nimdeɛ baako, na yɛawie nyin wɔ Kristo maye mu.

<sup>14</sup> Yerenye mmofra bio, wɔn a asorɔkye bɔ wɔn kɔ nea epɛ, na nkyerɛkyerɛ mframa biara de wɔn di akɔneaba na bradatofe ne aniferefo daadaa wɔn. <sup>15</sup> Mmom, se yetena ase nokware ne ɔɔ honhom mu a, yebenyin wɔ Kristo a ɔye asafo no Ti no mu. <sup>16</sup> Ne mu na honam akwaa

ahorow no suso wɔn ho wɔn ho mu. Ne mu na obiara yɛ n'adwuma, na nipadua no nyin ahoɔden so wɔ ɔɔ mu.

### *Hannmma Asetena*

<sup>17</sup> Mede Awurade din bɔ mo kɔkɔ se monntena ase bio sɛ amanamanmufo a wonni adwene pa bi, <sup>18</sup> na sum aduru wɔn ntease. Wonnim hwee na wɔyɛ asoɔden. Wonnim Onyankopɔn mu asetena na wonni nkatede ma nea ɛteɛ. <sup>19</sup> Wɔn ani nwu hwee. Wɔagyaa wɔn ho ama bɔne na wɔyɛ afide ahorow nyinaa bi a wonnu wɔn ho.

<sup>20</sup> ɛnyɛ saa na musua faa Kristo ho. <sup>21</sup> ɛyɛ nokware sɛ motee ne nka, na wɔkyerɛkyerɛɛ mo sɛnea nokware a ɛwɔ Yesu mu no te. <sup>22</sup> Enti montwe mo ho mfi mo suban dedaw no a akɔnnɔ bɔne ama aporɔw no ho. <sup>23</sup> Momma Honhom no nyɛ mo koma ne mo adwene foforo, <sup>24</sup> na montena ase wɔ suban foforo a wɔbɔɔ no Onyankopɔn sɛso wɔ treneeyɛ ne kronkronyɛ mu no.

<sup>25</sup> Munni atoro nkyerɛ mo ho mo ho. Obiara nni nokware nkyerɛ ne nua, efise, yɛn nyinaa yɛ nnipa baako wɔ Kristo nipadua mu. <sup>26</sup> Sɛ mo bo fuw a, monnyɛ bɔne. Mommma owia nkɔɔ mo abufuw so. <sup>27</sup> Mma ɔbonsam kwan. <sup>28</sup> ɛsɛ sɛ obi a ɔbɔ korɔn no gyae akrɔmmɔ. Obiara nyɛ adwuma na moatumi aboa afoforo.

<sup>29</sup> Mma kasa bɔne mfi w'anom, na mmom ka kasa pa na aboa afoforo sɛnea ehia wɔn na wɔn a wotie anya so mfaso. <sup>30</sup> Monnhw Onyankopɔn Honhom Kronkron a wɔnam so asɔw mo ano ama ogyeda no werɛ. <sup>31</sup> Munyi yawdi, bobɔne ne abufuw, ahohoahoa ne nseku ne bɔnepɛ nyinaa mfi mo mu. <sup>32</sup> Monyɛ ayamyɛ mma mo ho mo ho, mo yam nhyehye mo mma mo ho mo ho, na momfa mo mfomso nkyekyɛkyekyɛ mo ho mo ho sɛnea Onyankopɔn nam Kristo so de mo bɔne kyɛɛ mo no.

## 5

<sup>1</sup> Esiane sE moyE Onyankopɔn mma a ɔɔɔ wɔn no nti, munsuasua no <sup>2</sup> na motena ase ɔɔɔ mu sEnea Kristo ɔɔɔ yEɛn, na ɔde ne nkwa too hɔ maa yEɛn sE afɔrebɔde a EYE huam ma Onyankopɔn no.

<sup>3</sup> Nanso EɛnsE sE wɔte aguamammɔ anaa afide anaa anibere ho asEM wɔ mo mu, efisE eyinom mfata Onyankopɔn nkurɔfo kronkron. <sup>4</sup> Saa ara nso na Emfata sE moka kasa fi, ahuhuseM anaa sE muyi aseresEM, mmom monna ase. <sup>5</sup> Munnya ntease sE, obiara a ɔɔɔ aguaman na ɔyE afide, na ɔyE oniberefo (anibere yE abosonsom) no rennya kyEfa biara wɔ Kristo ne Onyankopɔn Ahenni no mu bi. <sup>6</sup> Mommma obiara mmfa nsEM a aba nni mu nnaadaa mo. EfisE saa nneEma no na Ema Onyankopɔn bo fuw wɔn a wɔyE asoɔden no. <sup>7</sup> Enti mo ne saa nnipa no nyE biribiara.

<sup>8</sup> Bere bi, na moyE sum, nanso mprenpren de, moyE hann wɔ Awurade mu. Ne saa nti montena ase sE hann mma. <sup>9</sup> EfisE hann no ma moyE papa, atreneefo ne nokwafo, <sup>10</sup> na EhwewE nea Eɔɔ Awurade ani. <sup>11</sup> Montwe mo ho mfi nneEma hunu a wɔyE wɔ sum mu ho, na mompa ho ntama. <sup>12</sup> EYE aniwu sE wɔɔɔ nneEma a asoɔdenfo yE no wɔ sum mu no so. <sup>13</sup> Nanso sE hann no tɔ wɔn so a, yebehu nnebɔne biara a wɔyE. <sup>14</sup> EfisE hann da biribiara adi. Enti na wɔaka se,

“Nyan, wo a woadaa,  
na sɔre fi awufo mu,  
na Kristo behyerEɛn wɔ wo so.”

<sup>15</sup> Enti monhwE mo akwan yiye, EɛnyE sE wɔn a wonnim nyansa, na mmom sE wɔn a wonim nyansa. <sup>16</sup> MonyE mo akwannya biara so ade, efisE, nna yi yE nna bɔne. <sup>17</sup> MonnyE adwene mu harefo, na mmom monte Awurade apEde ase. <sup>18</sup> Monnnom nsa mmmow na amfa mo ankɔ ahohwibɔ mu. Na mmom momma Honhom no nhyE

mo ma. <sup>19</sup> Momfa nnwom, ayeyi nnwom ne honhom mu nnwom nkasa nkyerε mo ho mo ho. Monto dwom mma Awurade na monkamfo no wɔ koma mu, <sup>20</sup> na monna Agya Onyankopɔn ase bere biara wɔ biribiara ho wɔ yɛn Awurade Yesu Kristo din mu.

<sup>21</sup> Mumfi nidi a mowɔ ma Kristo mu no mmrε mo ho ase mma mo ho mo ho.

### *ɔyerenom Ne Okununom*

<sup>22</sup> ɔyerenom, mommrε mo ho ase mma mo kununom sɛnea mobrε mo ho ase ma Awurade no, <sup>23</sup> efisε okunu yε ɔyere no ti sɛnea Kristo yε asafo no ti ne ne Gyefo no. Asafo no yε Kristo nipadua. <sup>24</sup> Sɛnea asafo no brε ne ho ase ma Kristo no, saa ara na εsε sε ɔyerenom brε wɔn ho ase wɔ biribiara mu ma wɔn kununom.

<sup>25</sup> Okununom, monnodɔ mo yerenom sɛnea Kristo dɔɔ asafo no na ɔde ne kra too hɔ maa no, <sup>26</sup> na ɔnam aSEM no so de nsu guaree no yεε no kronkron, <sup>27</sup> de maa ne ho sε asafo a εhyerɛn, a enni nkekae anaasε mpomponoe anaasε dɛm biara, na mmom eyε kronkron a enni sintɔ.

<sup>28</sup> Saa ara na εsε sε mmarima dɔ wɔn yerenom sɛnea wɔdɔ wɔn nipadua no. ɔbarima a ɔdɔ ne yere no dɔ n'ankasa ne ho. <sup>29</sup> Obiara ntan ne ho. Mmom ɔma no aduan hwε no yiye sɛnea Kristo yε asafo no, <sup>30</sup> na yɛn nso yeyε ne nipadua no ho akwaa. <sup>31</sup> “Eyi nti, ɔbarima begyaw n'agya ne ne na, na ɔde ne ho akɔbɔ ne yere na wɔn baanu no nyinaa abeyε ɔhonam baako.” <sup>32</sup> Eyi yε ahintasεm a mu dɔ, nanso mereka Kristo ne asafo no ho aSEM. <sup>33</sup> Enti εsε sε okunu biara dɔ ne yere sε n'ankasa ne ho, na ɔyere biara nso de nidi ma ne kunu.

## 6

### *Mma Ne Awofo*

<sup>1</sup> Mma, muntie mo awofo aSEM wɔ Awurade mu efisε saa na eye. <sup>2</sup> “Di w'agya ne wo na ni,” eyi ne mmaransεm

a edi kan a bɔhyɛ ka ho, <sup>3</sup> “na asi wo yiye na wo nna nso aware wɔ asase yi so.”

<sup>4</sup> Agyanom, monnhyɛ mo mma abufuw. Na mmom montetew wɔn wɔ Awurade nkyerɛkyerɛ mu.

### *Nkoa Ne Awuranom*

<sup>5</sup> Nkoa, momfa obu ne osuro mfi koma pa mu nyɛ osetie mma mo honam fam wuranom, sɛnea mobɛyɛ osetie ama Kristo no ara. <sup>6</sup> Monyɛ osetie mma wɔn, ɛnyɛ sɛ mobɛsɔ wɔn ani wɔ bere a wɔrehwɛ mo nko ara, na mmom monyɛ sɛ Kristo nkoa a mufi mo koma mu reyɛ Onyankopɔn apɛde. <sup>7</sup> Momfa mo koma nyinaa nsom sɛnea moresom Awurade a ɛnyɛ nnipa, <sup>8</sup> efisɛ munim sɛ adwuma pa biara a obi yɛ no, sɛ ɔyɛ ɔsomfo anaa ɔde ne ho no, Awurade betua no so ka.

<sup>9</sup> Awuranom, saa ara na mo nso monyɛ mo asomfo. Munnyaɛ wɔn ahunahuna efisɛ mo ne mo asomfo nyinaa wɔ owura baako a ɔwɔ ɔsoro; na ɔno de, ɔnhwɛ anim.

### *Nyankopɔn Akode*

<sup>10</sup> Nea etwa to ne sɛ, monyɛ den wɔ ne tumi kɛse no mu. <sup>11</sup> Monhyɛ Onyankopɔn akode nyinaa na moatumi agyina ɔbonsam nhyehyɛe ano. <sup>12</sup> Efisɛ ɛnyɛ yɛne mogya ne ɔhonam na anya, na mmom yɛne mpanyinni ne tumidi ne wiase yi sum mu atumfo ne ahonhomɔne a ɛwɔ soro hɔ na anya. <sup>13</sup> Eyi nti, monhyɛ Onyankopɔn akode nyinaa, na sɛ da bɔne no ba a moatumi agyina, na muwie biribiara a moagyina pintinn. <sup>14</sup> Enti munnyaɛna pintinn na momfa nokware mmɔ mo asen, na monhyɛ trenee nkatabo, <sup>15</sup> na momfa Aɛmpa no asomdwoe no nhyehyɛ mo anan. <sup>16</sup> Eyinom nyinaa akyi no, momfa gyidi kyɛm, nea mode bedum ɔbɔnefo bɛma a ɛredɛw no. <sup>17</sup> Momfa nkwaye dade kyɛw ne Honhom no afoa a ɛyɛ Onyankopɔn aɛm no.

<sup>18</sup> Mommɔ mpae mmere nyinaa mu wɔ Honhom mu, mpaeɔ ahorow ne nkotosɛ mu. Eyi nti monna mo ho so, na mommɔ mpae mma ahotefo. <sup>19</sup> Mommɔ mpae mma me nso na sɛ mibue m'ano a, wɔama me asɛm aka, na matumi akasa akokoduru so ada Asɛmpa no mu ahintasɛm adi. <sup>20</sup> Mprempren meƷe ho nanmusini a meda mpokyerɛ mu. Ʒno nti, mommɔ mpae mma me na matumi de akokoduru apae mu aka no sɛnea ɛsɛ sɛ meka no.

### *Nkradi*

<sup>21</sup> Yɛn nua dɔfo Tihiko a ɔƷe Awurade adwumayɛ mu somfo nokwafo no beka biribiara akyerɛ mo sɛnea ɛbɛƷe a mubehu sɛnea me ho te ne dwuma a meredi. <sup>22</sup> Eyi nti na meresoma no mo nkyɛn, ama moahu sɛnea yɛn ho te, na wahyɛ mo nkuran nso.

<sup>23</sup> Asomdwoe nka anuanom nyinaa, na Agya Nyankopɔn ne Awurade Yesu Kristo mma mo nokware dɔ.

<sup>24</sup> Onyankopɔn adom nka wɔn a wɔdɔ yɛn Awurade Yesu Kristo daa nyinaa no.

Biblica® Wonhia ɛho kwamma nhoma Akuapem Twi  
Nkwa Asɛm™  
Twi: Biblica® Wonhia ɛho kwamma nhoma Akuapem Twi  
Nkwa Asɛm™ (Bible)

copyright © 2020 Biblica, Inc.

Language: Akuapem Twi (Twi)

Dialect: Twi

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at [www.biblica.com](http://www.biblica.com) and [open.bible](http://open.bible).”

Notice of copyright must appear on the title or copyright page of the work as follows:

Biblica® Open Akuapem Twi Contemporary Bible™

Copyright © 1996, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

Biblica® is a trademark registered in the United States Patent and Trademark Office by Biblica, Inc. and may not be included on any derivative works. Unaltered content from [open.bible](http://open.bible) must include the Biblica® trademark when distributed to others. If you alter the content in any way, you must remove the Biblica® trademark before

## distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-04-09

---

PDF generated using Haiola and XeLaTeX on 29 Jan 2022 from source files dated 14 Jan 2022

db9c1a75-e6f7-5999-979b-02f8eb612f40